

# CONGREGATIO DE CAUSIS SANCTORUM

BENEVENTANA

BEATIFICATIONIS et CANONIZATIONIS  
SERVAE DEI  
**RACHELIS AMBROSINI**  
CHRISTIFIDELIS LAICAE  
(1925-1941)

## **DECRETUM SUPER VIRTUTIBUS**

«Paratum cor meum, Deus, paratum cor meum, cantabo et psallam. Euge, gloria mea! Exsurge, psalterium et cithara, excitabo auroram» (*Ps 108, 2-3*)

Servae Dei vita brevis Rachelis Ambrosini est in laudem Domini: illa, «de mane», vultum Amati quaesivit et caritate magnifica perfectaque amplecta est eum.

Serva Dei die 2 mensis Iulii anno 1925 nata est in Passo Dentecanis, Abellini parva fractione. Postea, die 7 mensis Novembris baptizata est in ecclesia Annuntiationi Virginis dicata. Familia eius dives erat et non sine firmis christianis praeceptis: in ea

“Rachelina” recte adolevit, etiam ob matris profundam pietatem deditae Virginis Mariae, quam illa cum prece Sancti Rosarii semper invocabat. Hanc pietatem accepit, quae a pueritia solebat vocare magno cum amore Matrem Dei.

In itinere educationis, sacramenta primae Confessionis et primae Eucharistiae magnae gravitatis fuerunt, quae illa laeto fervore et conscientia vixit. Etiam educatio eius cum diligentia aucta est a scholae disciplina. Se ostendebat comprobata et alacrem et feliciter in lectionibus communicabat et in variis gradibus excelluit.

Interea, naturales virtutes eius, quae intelligentia, voluntas, magnanimitas et amor in omnem creaturam, emerserunt.

Labor pietasque in illa maxime coniunxerunt: iuvenis Serva Dei studia sua curare et domestica officia discere solebat, etiam naturam amabat, quae impellebat eam ad Altissimum laudandum et benedicendum. Eo tempore iam caritate in comites pauperrimas et amore adversum necessitates inopium differebat.

Anno 1936, Rachelina Barium petit, hospes Sororum in Instituto “Sanctae Rosae”, ut studia superiora pergeret. In collegio vita eius irreprehensibilis fuit et insignis, alumnis exemplar. Patefacta deinde est novitas: Rachel se transtulit Romam lycei causa. Hic, hospes Sororum Missionalium Sacri Cordis in Instituto “Francesca Cabrini”, mox notata fuit propter eius benevolentiam et candorem. Romae curae belli afflixerunt eam, sed, etiam in hoc tempore, illa plenam spei se praebuit et tranquillitatis.

Rachel maturescebat et, cum ea, eius spiritualitas. Illa requiriens Dominum et eius voluntatem vivebat, exemplum Christi contemplabat, ferventer sacramentis appropinquabat et assidue mysteria fidei meditabatur; magnum spiritum benignitatis erga proximum colebat et parata ac promptissima in servitium videbatur. In ea intima communione cum Domino perficiebatur iter eius

vitae et integra corroborabatur eius adhaesio voluntati Dei, suavi caritate iuventutem collustrante.

Experientia autem spiritualis impensisima, quae illis annis velut improviso perluxit, Crucis mysterii fuit concursus. Die 26 mensis Februarii anno 1941, in Feria Quarta Cinerum, recepta est in valetudinario, quia aegra erat: morbus eius meningitis gravissima et repentina. Profunda fides Divinae Provvidentiae eam in hoc praematuero dolore sustinuit. Rachel sacramentum Unctionis Infirorum accepit, Confessionis Eucharistiaeque. Cappellanus nosocomii mirabatur et illam puellam “certe angelicam” esse dixit. Postremo Serva Dei accipere voluit sacramentalem Communionem prima mensis feria sexta, cum vero supremum eucaristico cibo se aluit, cuius admodum conscientia fuit. Romae die 10 mensis Martii anno 1941 in Domino quievit, dum decimum sextum aetatis annum agebat, immenso parentum dolore omniumque deploratione comitantibus.

Corpus eius in Campanarellum prope Abellinum translatum est. Ingens multitudo populi accurrit et multae laudes funebres fuerunt illi. Anno 1958 autem exuviae eius traductae sunt in Venticani ecclesiam. Fama sanctitatis eius semper augebat, maxime inter iuvenes, quibus Rachel exemplum vitae piae et fidelis Dei est. In nomine eius multae operae aedificatae sunt pro pauperibus in variis locis in orbe terrarum.

Propter hanc sanctitatis famam, apud Curiam Archiepiscopalem Beneventanam a mense Decembris anno 1958 ad mensem Aprilis anno 1961 habitus est Processus informativus; ab anno 1959 ad annum 1960 Processus rogationales in dioecesibus aliis fuerunt. A die 7 mensis Decembris anno 1991 ad diem 8 mensis Aprilis anno 1995 habita est Beneventana Inquisitio Diocesana, cuius iuridicam auctoritatem Congregatio de Causis Sanctorum

agnovit decreto die 16 mensis Februarii anno 1996. Parata Positio-  
tione, Congressus Peculiaris Consultorum Theologorum positivo  
cum exitu habitus est die 19 mensis Novembris anno 2010. Patres  
Cardinales et Episcopi in Sessione Ordinaria die 3 mensis Aprilis  
anno 2012 congregati, coram me Card. Angelo Amato, S.D.B.  
praesidente, audita relatione Ponentis Causae, Exc.mi D.ni  
Laurenti Chiarinelli, Episcopi emeriti Viterbiensis, edixerunt  
Servam Dei Rachelem Ambrosini theologales, cardinales eisque  
adnexas virtutes heroicum in modum excoluisse.

Facta demum de hisce omnibus rebus Summo Pontifici  
Benedicto XVI per subscriptum Cardinalem Praefectum accurata  
relatione, Sanctitas Sua, vota Congregationis de Causis Sanctorum  
excipliens rataque habens, hodierno die declaravit: “*Constare de  
virtutibus theologalibus Fide, Spe et Caritate tum in Deum tum in  
proximum necnon de cardinalibus Prudentia, Iustitia, Temperantia  
et Fortitudine iisque adnexit, in gradu heroico, Servae Dei Rachelis  
Ambrosini, Christifidelis Laicae, in casu et ad effectum de quo  
agitur*”.

Hoc autem decretum publici iuris fieri et in acta Congre-  
gationis de Causis Sanctorum Summus Pontifex referri mandavit.

Datum Romae, die 10 mensis Maii A.D. 2012.

*Angelus Card. Amato*

ANGELUS Card. AMATO, S.D.B.  
*Praefectus*

*Marcellus Bartolucci*  
MARCELLUS BARTOLUCCI  
Archiep. tit. Mevaniensis  
*a Secretis*